



ოქმი:ო02.37210181

თარიღი:18/01/2021

ოქმიN11-9

**ოზურგეთის მუნიციპალიტეტის საკრებულოს სივრცით-ტერიტორიული
დაგეგმარების და ინფრასტრუქტურის, აგროარულ საკითხთა, ქონების
მართვისა და ბუნებრივი რესურსთა საკითხების კომისიების ერთობლივი
სხდომის**

2020 წელი, 24 დეკემბერი

ქ. ოზურგეთი

12.00 -15.00 საათი

თავმჯდომარეობდნენ: ლ.ბიგვაგა, გ.კილაძე - მუდმივმოქმედი კომისიის
თავმჯდომარეები.

ესწრებოდნენ: კომისიათა წევრები - ლ.მგელაძე, ტ.აროშიძე, გ.თოიძე,
თ.ტულუში, თ.ბურჭულაძე, გ.ჩავლეშვილი, ლ.კილაძე, დ.მდინარაძე,
ვლ.ჩავლეშვილი, ლ.საჯაია, ჯ.თავართქილაძე, ვ.ჩხაიძე.
სხდომის მუშაობაში მონაწილეობდა საკრებულოს თავმჯდომარის
მოადგილე გ.ლურჯუმელიძე.

სხდომის თავმჯდომარემ ლ.ბიგვაგამ კომისიის წევრებს გააცნო სხდომის დღის
წესრიგი, რომელიც დაამტკიცეს ერთხმად.

დღის წესრიგი

ოზურგეთის მუნიციპალიტეტის 2021 წლის ბიუჯეტის პროექტის შესახებ.

მომხს:ლ.ბიგვაგა,გ.კილაძე

თანამომხსენებელი:პ.ჭყონია

მომხსენებელმა ლ.ბიგვაგამ კომისიათა წევრებს გააცნო მუნიციპალიტეტის
მერიის მიერ წარმოდგენილი დადგენილების კორექტირებული პროექტი-
„ოზურგეთის მუნიციპალიტეტის 2021 წლის ბიუჯეტის შესახებ“, ისაუბრა ძირითად
პარამეტრებზე, შემოსავლებსა და ხარჯებზე, განაცხადა, რომ კომისიათა
შენიშვნები ძირითადად გათვალისწინებულია და ეს პროექტი მეთოდოლოგიურად
ყველაზე დახვეწილი და სრულყოფილია. მაგრამ კვლავ არის შენიშვნები:
შემცირებულ ბიუჯეტში ინფრასტრუქტურული სამუშაოების შემცირების
მაჩვენებელი რამდენადმე არალოგიკურია, სამუშაოების ჩამონათვალში კვლავ
არაა კონკრეტულობა, მაგალითად-„გასწორხაზოვნების სამუშაოებში“ არ სჩანს რა
სამუშაოებზეა საუბარი ან სად ხდება კონკრეტულად გზების რეაბილიტაცია,
რასაც ითხოვს პროგრამული ბიუჯეტის მეთოდოლოგია. გაზრდილია
მუნიციპალური ტრანსპორტის მუხლში დაფინანსება, მაგრამ არაა
გათვალისწინებული მგზავრთა გადაყვანის რეგულირების წესის თაობაზე
მისაღები დადგენილება, ლაპარაკია ტროტუარების კეთილმოწყობაზე, მაგრამ
არაა მითითებული ლოკაცია-სად კეთდება. მისასაღმებელია, რომ
განსაზღვრულია დასუფთავებისა და გარემოზე ზემოქმედების შუალედური და
საბოლოო შესრულების მონიტორინგის ინდიკატორები. ამის შემდეგ კომისიათა

სხდომა წარიმართა კითხვა-პასუხის რეჟიმში. კომისიის წევრმა გ.ჩავლეშვილმა დასვა შეკითხვა უმრავლესობის ფრაქციის შენიშვნების თაობაზე, განუმარტეს, რომ ნაწილობრივ გათვალისწინებულია. კომისიის წევრმა ლ.მგელაძემ აღნიშნა, რომ არაა გათვალისწინებული მძიმე ტონიანი მანქანების მონიტორინგისათვის სასწორების შეძენა-განმარტეს, რომ ნაშთების იმედი აქვთ. კომისიის წევრმა თ.ტულუშმა განაცხადა, რომ შენიშვნებს ეთანხმება, ამასთან აღნიშნა, რომ სოფელ ნატანებში არაა გათვალისწინებული რკინა-ბეტონის გზის დაგება და შეკვეთილის გზის მონაკვეთის რეაბილიტაცია-განმარტეს, რომ ამ გზის რეაბილიტაციაზე გაგზავნილია მოთხოვნა სამინისტროში. მანვე დააყენა საკითხი ზემო ნატანების ინტერნეტიზაციის თაობაზე-მიიღო განმარტება-საკითხი გაგზავნილია ეკონომიკის სამინისტროში. კომისიის წევრმა ლ.საჯაიამ დასვა საკითხი შემოქმედელის ქუჩის პირველ შესახვევში სანიაღვრე არხების მოწყობის, დამენიას, კოსტავას და კ.მეგრელაძის ქუჩების რეაბილიტაციის თაობაზე-მიიღო შესაბამისი განმარტებები. საკრებულოს თავმჯდომარის მოადგილემ გ.ღურჯუმიძემ დასვა შეკითხვა ანასეულის გზის რეაბილიტაციაზე-განუმარტეს, რომ მიმდინარეობს საპროექტო სამუშაოები. კომისიათა წევრებმა საბოლოოდ მხარი დაუჭირეს პროექტის საკრებულოს სხდომაზე წარდგენას განხილვა-დამტკიცებისათვის იმ გარანტიით, რომ ბიუროს სხდომაზე წარმოდგენილ პროექტში გათვალისწინებული იქნება გამოთქმული შენიშვნები.

გ ა დ ა წ ყ ვ ი ტ ე ს

დამტკიცდეს კომისიების მიერ მომზადებული ერთობლივი დასკვნა და სხდომის დღის წესრიგში წარმოდგენილი სამართლებრივი აქტის პროექტი „ოზურგეთის მუნიციპალიტეტის 2021 წლის ბიუჯეტის პროექტის შესახებ“ წარედგინოს მუნიციპალიტეტის საკრებულოს სხდომას განხილვა-დამტკიცების მიზნით გამოთქმული შენიშვნების გათვალისწინების შემდეგ.

ლავრენტი ბიგვავა

სივრცით-ტერიტორიული დაგეგმარების და
ინფრასტრუქტურის კომისია-კომისიის თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

